

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/TUŽITELJSTVO
T R A V N I K

Broj: T06 0 KT 0037143 25

Travnik, 09.09.2025.godine

OPĆINSKOM SUDU U BUGOJNU
- Sucu za prethodno saslušanje

Na osnovu odredbe člana 45. stav 2. tačka „i“ člana 241 stav 1 Zakona o krivičnom postupku Federacije Bosne i Hercegovine, p o d i ž e m:

O P T U Ź N I C U

Potvrđena dana 18.05.2026.godine

Protiv:
E.M.

Zbog postojanja osnovane sumnje da je:

U vremenskom periodu od 06.02.2025.godine do 12.02.2025.godine, je boravio u hotelu „Vila Grande“, u apartmanu naziva „Hari“, soba broj 418, lociranom u ulici Kulina Bana u Bugojnu, općina Bugojno, u vlasništvu oštećenog D. S., kojeg je s ciljem da sebi pribavi protupravnu imovinsku korist napustio, a da nije platio usluge boravka i konzumaciju jela i pića u iznosu od 2.291,50 KM, na način da je rezervaciju u hotelu izvršio preko internet aplikacije Booking, a zatim pozvao oštećenog vlasnika hotela D. S. preko Viber aplikacije i doveo ga u zabludu jer mu se predstavio kao M.E., otac M.E., koji za svog sina rezerviše smještaj u tom hotelu u trajanju od devet dana, pa kako je oštećeni bio u uvjerenju da zaista otac E. M. rezerviše sobu u tom hotelu za svog sina i da traži najbolji smještaj u hotelu, oštećeni je rezervisao apartman naziva „Hari“ u kojem je boravio sa punim pansionom i konzumacijom hrane i pića koja nije uključena u puni pansion, pa kako je ta prekomjerna konzumacija hrane i pića postala sumnjiva oštećenom, zatražio je od E.M. broj telefona njegovog oca za kojeg je rekao da živi u Francuskoj, te je nazvao taj broj koji mu je dao i javila mu se muška osoba koja nije razumjela bosanski jezik, pa kako je to postalo sumnjivo oštećenom, u jutarnjim satima dana 12.02.2025.godine od E.M. zatražio da odmah plati dotadašnji boravak u hotelu za proteklih šest dana kao i konzumaciju hrane i pića koja nije uračunata u puni pansion, te je taj dan hotel napustio na sporedna vrata od hotela od kojih je imao ključ, koji se daje svim gostima da nesmetano mogu ulaziti i izlaziti iz hotela, ne plativši iznos od 2.291,50 KM, a sa sobom je ponio i ključ od sobe broj 418 u kojoj je boravio i ključ od tih sporednih vrata, na koji način je sebi pribavio protupravnu imovinsku korist u iznosu od 2.291,50 KM, a za taj iznos oštetio vlasnika hotela oštećenog D.S., svjestan da sa ciljem da sebi pribavi protupravnu imovinsku korist je doveo u zabludu

lažnim prikazivanjem činjenica oštećenog i održavao ga u zabludi i time ga naveo da na štetu svoje imovine što učini, što je i htio.

Dakle, s ciljem da sebi pribavi protupravnu imovinsku korist dovede koga lažnim prikazivanjem činjenica u zabludu ili ga održava u zabludi i time ga navede da na štetu svoje ili tuđe imovine što učini.

Čime da bi počinio krivično djelo Prijevara iz člana 294. stav 1. KZ F BiH.

Shodno odredbi člana 114. KZ F BiH, u vezi sa članom 417. ZKP-a F BiH, predlažemo da se od osumnjičenog oduzme imovinska korist pribavljena krivičnim djelom i to novac u iznosu od 2291,50 KM.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe, na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.